

آنادولونى مىسرى

صانى : ۶

ساختات سیرانی	محمد طالع
آنادولونك فتحی	مكرمین خلیل
دولت و مرکزی	محمد شرف
صنعی تكائف نقطه لری	صدوری ادهم
آنادولو معدنلری	حامد مصری
تولونك اؤداسنده ، قاردهش	حبیب فاضل
آنادولو جمهوریتك معارف مفكوره سی	عرفانه نالی
جون دووهی	ضیاءالدین فخری
سویله دن	شرف لاطم
راپند رانات تاغوره	حسن جمیل
قارا كلقلر ایچنده	فخرالدین مصری
مانیلر	اسماعیل نامی
آيك ایزلری : دولماو پیکار صراسمی ، فكرتك تولوی	

ناشری : آنادولو قوزمانیت نشریات شركتی

يَا كَيْفَ طَيِّبَتِهَا

انڱرالى نچاده ريشنده ريشيدافندي خاينده

ایتدیکی قانلر ، ویردیکی ویرکولر بوکولهلر سلطنتک اذامه‌سی ایچوندی . زیرا بونجیب ملتده نقصان اولان تک بر « شعور » واردی . باشنده کیزلرک کیملردن اولدیغنی ، ائک اوفاق بر حکومت آدامدن طوتده تا سلطانه وارنجیه قادار کندی قانندن ، کندی ملتندن برفردک بيله بولمادیغنی بيلمیوردی . بيلمییدی شهه‌سز اولرک تاجلرینی قافالرینه برچوق عصر اول کچیریردی . یابانچیلر سلطنتی آلتی یوز سنه دوام ایتدیرمزدی . « مملکتک صاحبی بنم » دیردی ، فقط دییه‌مه‌دی . اونی اداره ایده‌نلر اولیه شیطتکارانه حرکت ایدیورلردی که زوالینک نجیب حسلرندن استفاده ایدیورلردی . کاه اسلاملق ، کاه عثمانلیق ، کاه تورکچیکلک پرده‌لری آلتنده غایه‌لرینی کیزله‌یه بیلورلردی . آنادولولو کوله‌لر سلطنتک ایجاد ایتدیکی بو او یونلرک علتی ، سبب اصلینی بيلمیوردی . بيلمییدی آلتی عصر دنبری بو ذلتلره قاتلانیرمی ایدی . جهانیه فرمان اوقویان نجیب تورک عرقک اصل آنادولو ملتی ده‌ا دون اوکنده سجده ایده‌نلرک حضورنده ذیلانه اکیلیرمی ایدی ؟

هر نصل اولدیسه بو اصل ملت غیب ایتدیکی « آنادولولوق شعورینی » بولدیغنی ۲۳ نیسان ۳۳۶ تاریخنه قادار بو اونوتقانلغک جزاسنی بول بول چکدی . ایشته ۲۳ نیسان ۳۳۶ ده‌درکه یابانچیلرک هر نوع تلقیناته رغماً آلتی یوز سنه دنبری وارلغنی قاورایان چنبرک کلیدی‌تک آناختاری سیدی اولدیغنی اوکرندی ، باشنک صوک قلینه قادار باتدیغنی ذلتدن بر حله‌ده‌ده کندی قورتاره بیلدی ...

ئو تاریخی حقیقت آنادولو جمهوریتک ملی معارف سیاستده تعقیب ایده‌جکی عهده‌تک ائک اهمیتیسی بوبیلکینک تأسسی اولاجغنی کوستیرر ظنده‌یم .

بونک ایچوند ده‌شمیدی‌یه قادار معارف قبولرندن بیک درلو وسیله‌لره اوزاقلاشدیریلان آنادولو چوجغنی اوقوتماق ، تام معناسیله اوقوتماق ... ایشته آنادولو جمهوریتک معارفده تعقیب ایده‌جکی یکانه مفکوره .

عرفانه نالی

❦	فلسفه	❦
---	-------	---

موره دوره‌ی

فلسفه و تربیه‌سی

مملکتیز ایکی بویوک حربک یورجی ، آریجی ییللردن صوکره نهایت مسعود بر دوره‌نی ادراک ایتدی ، تاریخمزده بیک بر فصل آچیلدی . آنادولونک ابدی قدرتی ایله

آچیلان بو فصلك ، ینه او قدرتك كونشی ایله الی الابد فیضدار اولسی ایچون بوتون مملكت عرفان نورینه قارشى آتشین براحتیاج ایچنده قوشیور . معارف سیاستى تدویر ایدنلر آز چوق مملكتی یاشاتق ، مسعود بریورد یایمق غایه سیله حرکت ایدیور . هیچ شهه سز بو حرکتلر عزیمز و قدرتمز نسبتنده بزی بر فکر ظفرینه ده ایصال ایده جکدر . بو حرکتلر جمله سندن اولمق اوزره معارف وکالتی عصرك مشهور بر تربیه جیسی معارف مشاورى اوله رق کیتردی ، جون دووهی - Jhon Dewey شمدی بوراده در . عالمکیر بر شهرتی اولان امریقالى پداغوق محیطی تدقیقارایله مشغول بولنیور . نه کندیسی طرفدن ، نه ده وکالت طرفدن مشاورك فعالیتنه دائر هنوز برشی سولیمه مشدر . مع مافیه پروفیسورك آنادولو معارفه عائد ایدینه جکی فکرلری بیلنمه دن اول کندیسه بویوك بر شهرت تأمین ایدن تربیوی نظریه سنی تدقیق ایتمك ایجاب ایدر . زیرا اوفکرلر آز ، چوق بو نظریه لرک اطرافنده طوبالانه جقدر .

جون دووهی بعض تربیه جیلر کی صرف تربیه ساحه سنده فکرلرینی یوروتمش ، فلسفی و مابعدالطبیعی دوشونجه لره اوزاق قالمش بر پداغوق دکدر . او ، دها زیاده بر فیلسوفدر و تربیه سی فلسفه سنك طبیعی بر نتیجه سیدر . بناء علیه هریشیدن اول امریقالى فلسوفك فلسفه سنی ، بالاآخره بوفلسفه یه مستند تربیوی نظریه سنی تدقیق ایتمك لازمدر . بویه بر تدقیقك پکده علمی و اساسلی برشی اولیه جنی آشکاردر . چونکه فلسفی دوشونجه نك قحطه اوغرادینی بر مملكتده عصری بر فلسفه نك ماهیتی آکلامق ، و اوفلسفه - نك هر هانکی بر سالکی حقنده اساسلی بر فکر ایدیتمك ، اعتراف ایده لمکه ، چوق مشکدر . باخاصه مملكتمزدده صوك یاریم عصرك تاریخیله باشلا دیغه حکم ایدیه بیلن فکری - فلسفی فعالیت آراسنده ، « جون دووهی » ك فلسفه سنی اك آز علاقه ایله قارشیلانمشدر . بونك اساسلی سبتی ؛ بزده فلسفی انتباهه یالکز فرانسزجه تألیف و ترجمه اثرلرینك یاردم ایتمیدر . حالبوکه عصرك صوك ییللرینك جانی بر فلسفه سنه صاحب اولان جون دووهی امریقالیدر . شمدی یه قدر ایسه یالکز « چوجق و مکتب » آدلی اثری فرانسزجه یه ترجمه ایدیلشدر .

مع مافیه نه اولورسه اولسون آنادولو جمهوریتك معارف اداره سی اگر امریقادن تربیه متخصصی کیتیمش ایسه ، هیچ شهه سز ، بو حرکتی ، ساده جه اسم مشهور اولدینی ایچون دکل ، فقط تربیوی نظریه سنك اساساتنه واقف بولندینی ، و اولاً مملكتك ثانیاً عصرك عرفانی احتیاجلریله متناسب بولدینی ایچون ، اختیار ایتشیدر . بز

سر-لمحه ده

بر بهار صباخی یاشیور کی
تیره بن کولکدر پشده قوشدم ،
توکنه زاملر طاشیور کی ،
جوشغوندم ، کولکده ایکلین « نی » له
صوکره ، اوله قالدیم بیک دوشونجه یله !

* *

ینه سز .. بیه سز خیالده کی
سهوخیم ، کدرم ، هر شیئ سزک ..
بوکونده اوزاغیم ، یارینده .. پکی
پکی ، بو بیتمین اشکنجه نه دن ،
دها سهویله دن ، دوشونیلهدن ..

سرف لایم

بو صحیفه لرده یالکزجه قارئلرمزه آنادولو
معارفه براسقامت ویره جکی سویله بن امریقالی
پداغوقک فلسفه سندن و تربیه سندن بحث ایدد-
جکز . بو بحثده ؛ دارالفنون تربیه مدرسی
اسماعیل حق بک افندینک دووویه عائد چوق
مفید و قیمتی تقریرلریله ویلیام جهیمسک
[پراغماتیزم - Pragmatisme] آدلی اثری
ولالاندک علاقهدار بر مقاله سی صوکرامؤلفک
فرانسزجه یه مترجم « مکتب و چوقجق »
آثریله « مکتب و جمعیت » اسمنده کی کتابسندن
آلتش بعض مقاله لر بزه یاردیم ایددجکدر .

۱

عصری فکر و فلسفه عالمده اثر و تأثیر
لری موضوع بحث اولان بللی باشلی ایکی فلسفی استقامت کورولمکده در . بوایکی استقا
متدن بریسنی فرانسه ده برغسونیزم ، دیکرینی آمریقاده پراغماتیزم تمثیل ایدیور . غایه و نتیجه
اعتباریله بر برینه چوق یقین اولان بوایکی فلسفه ، دیکر فلسفی مذهبیره نسبة مملکتیمزده
شویله بویله تعمیم ایتش ، ممنونته شایان عکسلر او یاندر مشدر . [۱] بز بو عکسلردن برینی ،
اک قوتلی و فعلی اولاتی ، پراغماتیزم فلسفه سنک هم نظریات هم تطبیقات ساحه سنده حرارتلی
بر سالکی اولان جون دووودی مملکتیمزده کتیرتمکده بولوبورز . حقیقه جون دوووی
صوک عصر فلسفه سنک استقا متلرندن برنده تمایز ایتش مهم بر رکندر . [۲] قیمتی

[۱] دارالفنون روحیات مدرس محترمی مصطفی شکیب بک هرایکی فلسفه نک مملکتیمزده طائفسی
وییلنسی ایچون چوق قیمتی مساعی صرف ایتشدر . درکاه مجموعه سنده برغسونیزمک شرقه چوق
یقین و آشنا اولان سسینی یوکسلتن یازیلر ، بالخاصه مؤخرأ برغسونه وجهیمسه عائد اولوق اوزره
نشر ایدیلن ایکی اثر فی الحقیقه بو نقطه نظرندن بویوک بر قیمتی حائزدرلر .

[۲] جون دووویک ترجمه حاله عائد اولوق اوزره شوم معلوماتی ویره بیلیرز . دوووی
بورلیغتونده ۱۸۹۵ سنه سی تشرین اولنده طوغمشدر . عالی تحصیلی جون هوکیبن دارالفنوننده
اکال ایتش ۱۸۸۴ ده دو قوتورا امتحانی ویرمشدر . ایلاک دفعه میثیقان دارالفنوننه خوجا اولدی ،
فلسفه درسلی ویردی . ۱۸۹۴ ده شیقاغو دارالفنوننده فلسفه و تربیه درسلی تدریس ایتدی .
ویلیام جهیمسک قید ایتدیکی وجهله پراغماتیزم مساعیسه بو زمان باشلامشدی . ۱۹۰۴ دنبری
قولومیا دارالفنوننده بولونیور .

وفکر لرینک ماهیتی اطرافیه آکلامق ایچون اولاً فلسفی ملاحظاته ، و تربوی افکارینه مصدر تشکیل ایدن پراغماتیزم فلسفه سی حقنده بر فکر ایدنمه من ضروریدر . شو حالده اولاً پراغماتیزم نه در ؟ سؤاله جواب ویرمک ایجاب ایدیور .

هر فلسفی مسلک اسمندن اولدینی کی پراغماتیزم اسمندن ده ، اشارت ایتدیکی فلسفه نك ماهیتی آکلایه بیلیر . پراغما اسکی یونانجه ده ایش ، فعل ، عمل معناسنه ایدی . تورکجه یه ترجمه اتمک لازم کلسه ذهنیه ، احساسیه کی تعبیرلره قیاساً « عملیه » دیمک کمز لازمدر . فی الحقیقه پراغماتیزم ده فلسفی معناسیله [فلسفه عمل] دیمکدر . مع مافیه فلسفه و علم محیطلر یزده دها زیاده ترجمه ایدیله مش شکلی تعمیم ایتدیکی ایچون بزده اونی قوللانه جغز .

ویلیام جهیمس پراغماتیزمک تاریخی قید ایدرکن بوکله نك ایلک دفعه اوله رق شارل پیرس - Ch. Peirce طرفدن قوللانیلدینی ، معنا اعتباریله ده تماماً فلسفی برغایه تعقیب ایتدیکی سویلکده در . فی الحقیقه « پیرس » ه کوره اعتقادلر من حقیقنده عمللر من ایچون ضروری قاعده لر در . فقط بوفکر اوزمان کیمسه نك نظر دقتی جلب ایتهدی ، سوکرالری کیمیا کر اوستوالد ایله فرانکلن بوکا یقین فکرلر سپرد ایتدیلر . فقط بوقیدلردها زیاده عصری بردوریه ، آمریقا

تاریخه عائددر . حقیقنده پراغماتیزمک تخمیری یونان فلسفه سنده کورولیور . آرسطو سیسته - ماتیك بر صورتده بوساحدهه چالیشمشر دینه بیلیر . مع مافیه شونی ده اعتراف ایتلی که بونلر مقصود بالذات دکلدی ، یعنی عمل فلسفه سی مشعور اوله رق اورته یه آتیلما یوردی . نهایت قرون جدیده فلسفه سنده امپریزم ، پراغماتیز - مدن باشقه برشی دکلددر . شوقدر که پراغماتیزم عام ، امپریزم ایسه خاصدر . واوکا بوعومیتی ویزنلر ایسه صوک عصرک بویوک آمریقالی فیلسوفلر در . ایشته جون دووهی بونلردن برینی تشکیل ایدیور .

پراغماتیزم فلسفی بر مسلک اولسنه کوره بالطبع فلسفه و مابعد الطبیعه مسئله لر یله

قارده سه

قاردهش ، ایشته سن ده اولدک بر عزیز ، کلدک ، صوک بهارده قوش کی دیله . باشکی صارارکن او نورانی ایز آرتق الهدن نه دیلرسنک دیله !

طوبایوب قاجارکن طاراغی ، طاسی ، بزده احسان ایتدک صوک قالان یایی ؛ قارشیمده آصدیقک « صبر » لوحه سی ، اوکده یم کی سرپدیكک چیله .

مکر مرادیمه بنده ایرمش ، یوق بو درت دیوارک طیشنده ایشم ؟ - آما بورده دها چوق بکرمشم - اورای اولاسین او مرگده بیله ...

نجیب فاضل

مشغول اولور . بو مسائلک اساسی معلوم اولدنی اوزره حقیقت مسئله سیدر . فلسفه مذهبلی بوکا عائد مختلف دوشونجه لر سرد ایتشاردر . بو دوشونجه لری بر باقیش ایله تصنیف تابع طوته حق اولورسه ق باشلیجه ایکی زمرة کورورز : عقلیه - Ralnalsme ، احتباریه Emprisme . اولکیسی حقیقتی تماماً مجرد مبدألره استناد ایتدیریر . اشیا ایچنده وحدته ، قیمت ویرر ، ذهنک برلک احتیاجی اعظمی صورتده تطمینه چالیشیر . بو اعتبار ایله وحدتیجی - Moniste در . بو وحدت نهایت او درجه یه کلیرکه راسیونالیستلر نظرینده موجود اولان یالکز کلی - Umieerseel در . آمپریزه کلنجه ، آمپریستلر ، یعنی تجربه جیلر واقعه لره اهمیت ویرر . اشیا ایچنده کثرته قیمت عطف ایدر . بو قیمتده نهایت او درجه یه کلیرکه آمپریستک نظرینده وار اولان یالکز جزئی در .

پراغماتیزمک اطرافیه قاورانلیسی ایچون بویکی نوع فلسفه نک آکلاسلمی لازمدر . زیرا فلسفه عمل اساساً بو آکلاسلیمانک نتیجه سنده کنیدیسی عرض ایتش ، و طبعی ایله عناصرینی اونلردن آلمش ، فقط اوزیزینال بر ترکیب ایله او عنصرلری برلشدرمشدر .

عقلیه جیلکک اک بارز وصفی حقیقتی ، مجرد مبادی یه کوره دوشونمکدر . حادثه عالمنک بسیط استطالهنی برطرف ایدره ک بزه باشقه بر ملجأ تأمین ایدر . بو ملجأ ؛ فکرلری ایجابی اوله رق وجوده کلن دینیت - Reliiosité در . غایه وحدتیجی ، اخلاق ودینی ملاحظات اعتباریه بالتیجه نیکیندر .

احتباریه جیلکک اک بارز وصفی ده حقیقتی واقعاته کوره دوشونمکدر . فلسفی محاکمه ده واقعه ، مبدأ رولنی اوینار . بونک نتیجه سی کنیش معناسیله ماتریالیزمدن باشقه برشی دکلدر . یوز الی سنه ک ترقی بو فلسفه نک علمی خدمتی تصدیق ایدیور . بر چوق حقیقتلر کشف ایدیلدی ، اوکمزده کی عالمک یالکز ماده اولدیعی سویله ندی . فقط اعتراف ایتلی که بوتون بو حقیقتلر غیر بشری - Inhumaine در . حالبوکه بشری حیات ، بو حیاتی ادامه ایچون ، عین زمانده هم مبدألره ، هم واقعه لره محتاجدر . ایشه پراغماتیزمی طوغوران سبب . اولیه بر فلسفه ایسته یورز که بشری ، انسانی و عملی اولسون . پراغماتیزمک مبدعی اولان ویلیام جهیمس بو مناسبتله کنج بر طلبه نک ویردیکی ته زدن بحث ایدیور . ته زده دینیور که بو کون فلسفه درس خانه سنه کیرمک ، یاشانان حیاته بوسوتون یایانجی و آیقیری اولان مجرد ، صنعی ، جعلی بر حیات ایله مناسبتله کیرمک دیمکدر [۱] حقیقتده

پوشکایت پراغماتیزمک روحنی و حکمت وجودینی تشکیل ایدر: چونکه فلسفه‌نک روحیات، تربیه... ساحه‌لرینه تعلق ایدن بوتون پراغماتیک فکرلر بوروحدن منشعبدر.

فی الحقیقه حقیقی و یاشانان حیات کثرت عرض ایدیور. بو کثرت قاریشیقدر، وسعی و فعالیت ایچنده، مبادی بر صیورده حالنده در. حالبوکه فلسفه بزه اولمش بیتمش برکال، بسیط Simple و واحد - Un برشی آشیلايور، بویه‌جه بر مستحصل - Reprdou Teur اولمقدن زیاده تماماً بشقه بر منشی - Construtenn اوليور. لاپینچک فلسفه‌سنی کوز اوکنه کتیریکز، کوره جکسکز که حقیقی حیات، قیایق برسیستمک خارچنده قالمشدر. چونکه حیات، و حیایده حقیقت بویه صنی بر منظومه‌نک ایچریسینه کیره‌جک قدر ثابت، غیر متحول، مستقر برشی ددل، بالعکس، دیدیکمز کبی، دائماً کاله قوشان بر اولوش، بر صیورده در. عقلیه‌جی فیلسوفلر بوندن؛ حیایک شائی و حقیقی قییمندن یوز چه‌یريور، بزم‌ده علاقه‌مزی کسمکه چالیشیورلر. تجربه‌جیلر ایسه افراطی تفریط یاسورلر، منلق بسیط ایله، علوی‌نی سفلی ایله ایضاحه قالدیشيور. بویه‌جه بدایتده حادثه عالمی ایله علاقه‌دار اولاجنی ظنی و یرزکن، صوکر ا بونک عکسنه، انحصارجی اوليور و «مطلق» خطاسنه دوشيور. پراغماتیک نقطه نظره کوره ایسه بویه بر حادثه‌جیلک، ماتریالیزمدن، راسیونالیزمدن باشقه برشی دکلددر. چونکه حادثه‌یه اهمیت و یردیکنی سوبویه‌يور، فقط بری طرفده کوز یومدینی ورد ایتدیکی معظم بر حادثات زمره‌سی واردر. حالبوکه پراغماتیزم بوراده (تجربه - Expérie) نی توسیع ایتش، و اوکا لایق اولدینی کنش، شمولای، بشری معنای و یرمشدر. ویلیام جهیمس تجربه‌نک بو ماهیتدن بحث ایدرکن امریقالی پراغماتیست سوبیتک شو سوزینی نقل ایدیور: «حقیقت، کیندیسنی یاشایانلر و دویانلر طرفدن بیلندیکی زمان فیلسوفلر ظلمت و مهیمت ایچنده قالمشدر» [۱] بالخاصه عقلیه‌جیلر کندی «مطلق» لرینک تطمینکار نتایجی قارشوسنده باشقه برشی دوشونمک ایسته‌مه‌مشلردر. بو اعتبار ایله جهیمسک دیدیکی کبی، بو نوعدن فلسفه سیستمی، سیستم اولمقدن زیاده فیلسوفک تام کندیسدر، کندی مزاجیدر. شو حالده بویه بر فلسفه واقعات ایله مناسبتدار دکلددر. حادثه عالمی ایله حقیقه مناسبت پیدا ایدن یالکز و یالکز پراغماتیزمدر. فلسفه‌مزده وحدتی‌می، کترتی‌می اولام؟ ماتریالیزمدن، ایده آلیزمدن هانکینسی طوغریدر؟ عالمده حریتی وار معینیتی وار؟ فلسفه تاریخی دولدیران بو مناقشه‌لر - پراغماتیزمک نظرنده - تماماً بی‌سود و بی‌فایده در. چونکه یاشانان حیات ایله هیچ بر علاقه‌سی یوقدر.

فقط مادام که پراگماتیسمی ده بر فلسفه کبی قبول ایدیورز . اونک ده فلسفی و مابعدالطبیعی بر نتیجه سی اوله جنی طبیعی دگی ؟ .. خایر ، پراگماتیسم دیدیکیمز شی بر فلسفه سیستمی اولمقدن زیاده بر فلسفه اصولدر . بواصول فلسفی وتیره لرك واصل اولدقلری نتیجه لری محاکمه ، مقایسه ایدیور وائتلاف امکانلری آراشدیریور . بونکه برابر برحل و فصل طرفدار ی دکدر . زیرا مثلا راسیونالیست بر فیلسوفک ایستدیک کبی بزی بولمش ، کشف ایدیش بر حقیقت ایله تطمین ایتک دکل ، بزی یوروتک ایسته یور . ایتالیایی بر پراگماتیست یاپینی - Papini پراگماتیسمک بوماهیتی بر تشیه ایله نه کوزل ایضاح ایدیور : او (یعنی پراگماتیسم) نظریه لرمزده طبق براتلک قوریدوری کیدر . متعدد اوطه لر بو قوریدوروره آچیلر . فرض ایدیکز که اوطه لرك بری بر ملحدده بری بر مؤمنه دیکری بر ایده آلیست فیلسوفه ، بر دیکری ده مه تافیزیکک عدم امکانی ادعا ایدن بر عالمه عائددر . بونکه برابر بوتون بونلر آری اوطه لرده اوطورده ق ایله عینی قوریدورلری قوللانما یورلرمی ؟ ... پراگماتیک خط حرکت ده بوکا بکزمکده ، یعنی اولی - Première وعلی - Causal اولان هر شیدن ؛ مفعوله لردن ، ضرورتلردن ، علتلردن ... الخ یوز چوردرک الک مادیسندن الک روحیسنه قدر عملی و مشخص حیاته عائد بوتون واقعی نظر دفته المقده در . [۱]

مع مافیه پراگماتیسمک بر فلسفه کبی انکشافی اونی نهایت بر غایه سوق ایدیور . ویلیام چهیمسه کوزه بویکی کشف جون دووویه عائددر [۲] فی الحقیقه دوووی شقاغو دارالفنوننده کی فلسفه و تربیه درسلری بواساسات داخلنده ویرمش در . بر فکر حقیقدر نه دیمکدر ؟ .. بر فکرک حقیقی اولدیغنی بیلیمک ، بزه اونی حقیقی دیه طایتان سبیلری طایمق دکلدر ؛ عکس تقدیرده بونک خارجنده بر حقیقت نهی افاده ایده جکدر . بویله بر شیئه کله جلاک - Verbalisme دن باشقه نه دیه بیلیرز ؛ پراگماتیسم اینسه ذاتاً بوکا عصیان ایدیور . اوکا کوره هر فلسفی نظریه خارجی عملیزی تسهیل ایدن ، اوکا خادم بر رول اونیایان آلددر . بواعتبار ایله پراگماتیسم ؛ کنش و فلسفی معاشنده بر Instru mentalisme دن باشقه برشی دکدر . چهیمس بونظر نه نک بویوک بر مهارتله دوووی طرفندن تعلیم و تدریس ایدلیکنی قید ایدیور . [۳]

[۱] عینی اثر - ص : ۶۴

[۲] قیلامارهت دووویه « چهیمسن صوکر ا پراگماتیسمک شامیونی » دیور . چهیمس بالذات پراگماتیسمک حقیقت تلفیسنک ایلک دفعه اوله زق جون دوووی طرفندن وضع ایدلیکنی سوبه یور

[۳] عینی اثر - ص : ۶۸

دووهيك بوتلقیسی ایله عقلیه جیلرك تجریدلری ، قولی - Verbal صورت حالری ، قبی حکملری و بونلرك معنلری آراسنده کی فرقك درجه سی آکلاشلمقده در . دیگر طرفدن ، یوفاریده ، سوبلیدیگمز کی واقعاته مربوط اولمق ، اوکا قیمت واهمیت عطف ایتك ایله ماتریالیزمه یاقلاشدیغنه حکم ایتمه ملیدر . آمپریست و پراغماتیست ایکیسی ده ماده جیدر . چونکه واقعه یه ، تجربه یه باغیدرلر ، اوندن حرکت ایدرلر . فقط بوراده واقعه و تجربه نك معنا ، وسعت و شمول اعتباریله بر آریلغی واردر . پراغماتیزمك اهمیتی ده بو آریلق تشکیل ایدر . بو آریلغی شو فکر ایله کوستره بیلیرز : دینی و الهیانی - Théologique تلقیاتك مشخص حیات ایچون عملی بریمتی حائر اولدینی تجربه یاشانیرسه اونلر ، آمپریزمك تماماً عکسنه اوله رق ، پراغماتیک بر حقیقی افاده ایدرلر . برغسونك ویلیام جه یمسندن بحث ایدرکن دیدیکی کی « اویله زمانلر اولیورکه روحی تجرب ایدن قدرتلر حسلر بر فزیک عالمنك مشغول اولدینی حادثه لر قدر حقیق و شانی قوتلر حاله کلیور . انسان حرارت و ضیایی ناصل کندی . یاراتمادیسه بو حساری ده کندی یاراتمامشدر . [۱] » پراغماتیک فلسفه نك بوماهیتی کندیسنك درین و انیسانی برمساحه ایله مجهز اولمسندن ، دیگر فلسفی نظریه لری عملیشدیرمسندن نشأت ایدیور . پراغماتیزمده هیچ برادعا بولامازسکز ، هرهانکی فلسفی بر نظریه یی قبوله تمایلدر . دینی کوروش ایله پراغماتیزمك دیگر فلسفه مسلکلینه فاقیتی ده بونقطه ده آراملی ز . فی الحقیقه عقلیه جیلر دینی مسائلی مجرد مفهوملرك چرچیوه سی ایچنه صوقارلر ، احتباریه جیلر یالکزر حواسه ، حواسنك حکملرینه رعایت ایدرلر و طبیعی ایله دینه قارشى مخاصم بر وضعیت آلیرلر . پراغماتیستلر ایسه هم منطقی ، مجرد مفهوملری ، همد اک مشخص تجربه لری قبول ایدرلر . بونلرك ملاحظه سی ، دائماً نتیجه اعتباریله در . حتی تصوفی - سری فلسفه بيله انتاج ایده جکی عملی و نقبی نتیجه لرله پراغماتیزمك حدودی ایچنه کیره بیلیر . خلاصه پراغماتیک تلقیه کوره بر فکرك مشخص شأیت ایله مطابق قالسی خارجنده هیچ بر نوع حقیقت یوقدر و فکر آنجی بوشراط دأترسند حقیقی - Vraui عد ایدیلیر . شو حالده حقیقت اسمی آلتده مجرد برشی قبول ایتمه نك پراغماتیست اولمق اعتباریله بر معنا وفائده سی یوقدر . حقیقت ساده جه عملی قیمتی حائر اولان هر نوع فکرلری تلخیص ایدن براسمدر .

بیتدی

۱۵ آغستوس ۱۹۴۰

ضیاءالدین فخری